



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quid sit pr[a]emiu[m] grati[a]e & quantum se extendat.

urn:nbn:de:hbz:466:1-29452

2. Præmium gratiæ est, quod sic dicitur, quia non respicit opus factum, sed gratuitatæ Dei promissionem: quoniam ex gratia & misericordia est promissa remuneratio à Deo, qui verax est: Ideò est præmium operi, alioqui nullum esset. Est autem gratiæ præmiū duplex, essentiale, id est, *Haupt gut vnd lohn*/ Et accidentale, der zugegeben lohn oder zugabe. Essentiale præmium (*Haupt gut*) dicitur, quia solus Christus hoc meruit sua passione, nempè remissionē peccatorum & vitam æternam. Hoc autem distribuitur ex misericordia gratis propter Christum credenti sine proprio merito in iustificatione Rom. 3. Gratis iustificati estis per sanguinem ipsius. Ephes. 2. Gratia saluati estis per fidem, & non ex vobis. De hoc merito Christi dicit Apostolus Roma. 8. Qui dedit filium, omnia cum filio donavit. Hoc meritum Christi omnibus æqualiter qui credunt, dispensatur. Matthæi 20. Singuli acceperunt denarios suos. Siue igitur sint pauperes vel diuites, serui aut domini, vir aut mulier omnes ex æquo accipiunt, qui credunt in nomine eius. Hoc igitur essentiale meritum nemo potest suis viribus mereri, nempè remissionem & vitam æternam: Sed gratis donatur credenti. Nam caput nostrum Christus hoc meruit, & donat ex misericordia gratis membris. Distribuit bene ex misericordia & promissione credentibus & pœnitentibus, sed propriè solus Christus meruit hoc, non opera nostra. In hoc Christi merito gaudet & quieta est conscientia, sicut dicit Bernardus: Christus regnum duplii iure possidet: semel, quod passus & meruit: deinde, quia filius Dei. Sed quoniam ius alterius non indiget, ideo totum mihi gratis donat: Et in eum finem dicitur, quod cœlum mereri non possumus & remissionem. Nam haec sunt præmia pro labore alterius, id est, Christi, à quo oportet distribuatur, quicunque illorum fit particeps:

Bernardus

ceps: distribuit ergo C H R I S T V S gratis hæc.

Deinde est accidentale præmium, quod distribui-
tur etiam ex gratia Christi, propter opera nostra ex
fide sequentia, ut sunt labores, martyria, persecutio-
nes, castigationes corporis, orationes, ieiunium, vi-
gilia, eleemosyna, quæ omnia propter D E V M, &
Fidem fiunt, sicuti etiam ordines, religiones, Cœ-
moniq. Sunt quoquè nostræ virtutes, paupertas Spi-
ritus, misericordia, mundities cordis, Esuries Iusti-
tiæ, Matthæi quinto. Est obseruantia præceptorum
D E I. Matth. 19. Omnia illa ex sua dignitate non me-
rentur cœlum, sed multa alia accidentalia præmia
in hac, & post hanc vitam spiritualiter & corporali-
ter & 1. Corinthiorum 3. Vnusquisque mercedem
accipiet secundum suum laborem. Ut ergo sunt gra-
dus operum, ita præriorum. Sicut differt stella
à stella in claritate & magnitudine, 1. Corinthiorum
15. Sic erit resurrectio mortuorum, vbi altet altero
clarior & opulentior erit in gloria. Dona igitur va-
ria, id est, gaben distribuuntur fidelibus secundum
gradus laborum, sed meritum salutis in Christum
transfertur.

In hoc ergo Accidental præmio non erimus o-
mnes pares, sicut in Essentiali: sed reddet hic D E V S 2. Cor. 9:
vnicuique iuxta opera sua, Matthæi 16. vt qui plurim-
um seminauerint, plurimum & metant. Sic plus
fulgebunt S. Apostoli, Martyres, Confessores, qui
sunt stellæ maiores & clariiores, quā simplices Con-
fessores & fideles. Et sic nullum opus manebit irre-
muneratum, nec etiam impunitum: Et sic sunt mul-
tæ mansiones in domo Patris, Ioannis 14. De hoc
præmio etiam gloriabatur Apostolus 2. Timoth. 4.
inquiens: Bonum certamen certavi, cursum consum-
maui, Fidem seruaui: ideò reposita est mihi corona
iustitie. Nullus igitur Apostolorum siue Martyrum
suo opere meruit sibi remissionem peccatorum, &
D vita

vitam æternam. Hoc omnes de plenitudine Christi accipimus. Hoc est illud capitale bonum & præmium nostrum pro salute consequenda: attamen accidentalia præmia quæ nec oculus vidit, nec auris audiuit, vt Esaiæ 48. ex gratia meruerunt, iuxta gradus laborum & passionum. Diligenter ergo hæc præmia & merita distinguenda sunt, vt cuilibet quod suum est, applicetur. Nam inquit Christus: Merces vestra copiosa est in cælo, Matth. 5. Et Hierem. 31. Quiescat vox tua, quia est merces operi tuo. Et Sapient. 10. Reddet Deus mercedem laborum tuorum &c. Igitur non sunt audiendi, qui omne præmium & meritum abijciunt: Non enim iniustus est Deus, vt obliuiscatur operis vestri, Hebr. sexto. At inquit carnales: Sufficit mihi Essentialis præmium, quod gratis recipio propter Christum, id est, remissionem & vitam, non curo accidentale. Et si satis habeo in Essentiali, ad quid opus erit accidentalii? Respondeo: Essentialis præmium donatur gratis, vt dictum est, sed non retinetur absque bonis operibus & obseruantia præceptorum. Si secundum carnem vixeritis, inquit Apostolus Romanorum 8 morienni: Quoties igitur quis agit male & peccat, signum profert, quia iustitiam & essentialis præmium vel perdidit, vel non habet. Deinde cui offertur præmium essentialis Christi, illico ei præcipitur, vt fructibus iustitiae laudet Deum, Philip. 1. Postremo, qui non agit gratias Deo pro accepto beneficio, is merito priuatur omni præmio tam essentiali quam accidentalii.

3. Quod Deus propter Christum sua misericordia distribuit tūm essentialē tūm accidentale præmium, nulla est causa in nobis, sed totalis in eo, vt laudetur gloria gratiæ suæ, Ephes. 1. Igitur quicquid accipimus vel habemus, hoc totum est donum gratiæ illius, quia ultra hoc quod ipse donat, bona etiā opera

per